

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԵՐԵՎԱՆ ՔԱՂԱՔԻ ԱՎԱԳԱՆՈՒ

«12» ապրիլի 2010թ.

N ---Ա

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԺՈՂՈՎՐԴԱԿԱՆ ԱՐՏԻՍՏ

ԱՐՄԵՆ ԽՈՍՏԻԿՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ

ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ

Հիմք ընդունելով Հայաստանի Հանրապետության կառավարության 1999 թվականի
օգոստոսի 31-ի N 551 որոշումը՝

Երևան քաղաքի ավագանին որոշում է.

Տալ համաձայնություն Հայաստանի Հանրապետության ժողովրդական արտիստ
Արմեն Խոստիկյանի հիշատակը հավերժացնող հուշատախտակը Խորենացու 25ա
հասցեում տեղադրելու համար:

ԵՐԵՎԱՆԻ ՔԱՂԱՔԱՊԵՏ

Գ. ԲԵԳԼԱՐՅԱՆ

Նախաձեռնության /որոշման/ հեղինակ
Կրթության, մշակույթի, երիտասարդության հետ տարվող
աշխատանքների, առողջապահության, սոցիալական
պաշտպանության, ֆիզիկական կուլտուրայի և սպորտի
հարցերի մշտական հանձնաժողովի անդամ

Միքայել Դովլաթյան

ՏԵՂԵԿԱՆՔ-ՀԻՄՆԱՎՈՐՈՒՄ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԺՈՂՈՎՐԴԱԿԱՆ ԱՐՏԻՍՏ ԱՐՄԵՆ ԽՈՍՏԻԿՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ՎԵՐԱԲԵՐՑԱԼ

Որոշման ընդունման համար հիմք է հանդիսանում Հայաստանի Հանրապետության ժողովրդական արտիստ, Գաբրիել Սունդուկյանի անվան ազգային ակադեմիական թատրոնի բազմավաստակ դերասան Արմեն Խոստիկյանի ծննդյան 80-ամյա հոբելյանը և նրա ավանդը հայ բեմարվեստում, ինչպես նաև բազմաթիվ հեռուստառադիոհաղորդումներում:

Տաղանդավոր դերասանը ինքնատիպ կերպարներ է կերտել նաև հայկական կինոյում, որոնք վառ են բոլորի հիշողություններում և շարունակում գրավել նաև երիտասարդ սերնդի ուշադրությունը:

Տեղեկանք-հիմնավորման համար հիմք է հանդիսանում նաև Արմեն Խոստիկյանի երկրպագուների թվով 50 ստորագրահավաքը:

Հարցը քննարկվել է Երևանի ավագանու կրթության, մշակույթի, երիտասարդության հետ տարվող աշխատանքների, առողջապահության, սոցիալական պաշտպանության, ֆիզիկական կուլտուրայի և սպորտի հարցերի մշտական հանձնաժողովի 2010թ. ապրիլի 1-ի նիստում և քվեարկության արդյունքում անցել միաձայն:

**Կրթության, մշակույթի, երիտասարդության հետ տարվող
աշխատանքների, առողջապահության, սոցիալական
պաշտպանության, ֆիզիկական կուլտուրայի և սպորտի
հարցերի մշտական հանձնաժողովի անդամ՝**

Միքայել Դովլաթյան